



Juni  
2016

Departamento di Enseñansa Aruba

# LESA CU PLACER

## DEN E KATERN AKI

Formanan di traha didactico II **1**

Bahul di buki **1**

Presentacion di buki **1**

Promocion di lesamento y medio di comunicacion **2**

‘Taakverdelend lezen’ **2**

Con pa motiva mucha homber pa lesa **3**

Encurasha pa Skirbimento **3**

Skirbimento creativo **4**

## Formanan di traha didactico II

E katern aki ta sigui elabora, cu descripcion cortico, tocante varios forma di traha didactico cu lo yuda pa haci lesamento mas atractivo. A trata e formanan di traha didactico aki den e tayernan ofreci na e maestronan di scol primario.

### Bahul di buki (Leeskoffer)

Den un bahul di buki tin pakete cu diferente titulo, 5 pa 6 ehemplar di cada titulo pa e cantidad di mucha den un grupo. Cada pakete tin su blachi di tarea y otro atributo pa por cumpli cu e tareanan.

*Ehempel di e atributonan:*

- ☞ Un atlas
- ☞ Un buki informativo
- ☞ Corant, revista, etc.

*E ta adecua pa klas 4, 5 y 6, pero por adapta e forma di traha aki pa klasnan mas abou:*

- ☞ E klas ta parti den grupo.
- ☞ Cada grupo ta scoge un titulo, tur mucha den grupo ta lesa e buki y ta traha e tareanan corespondiente haciendo uzo di e otro atributonan den e pakete.
- ☞ Ora un grupo a caba di lesa y traha riba un titulo, e grupo por sigui cu un otro titulo.



*Por laga e muchanan presenta:*

- ☞ Ora tur grupo a caba di lesa tur titulo, nan por scoge un titulo pa present'e na e klas (si ta posibel, laga nan scoge esun cu nan a gusta mas hopi of tira lot).
- ☞ Un otro posibilidad ta pa laga henter e klas presenta e mesun buki, e ora cada grupo lo presenta un otro aspecto di e buki.

## Presentacion di buki

**‘BOEKBESPREKING’** ☞ Un actividad di promocion di lesamento cu ta tuma luga na un pleki sea den scol of pafo di scol den un setting (p.e. kringgesprek) caminda e maestro of e muchanan por introduci un buki, tin lesamento pa mucha (voorlezen), por papia tocante buki of unda hunto por analisa un buki.

**‘CLUB DI LESA’** ☞ Un grupo di mucha ta lesa e mesun buki y despues ta combersa y intercambia opinion of idea cu otro tocante e buki.

**‘PRESENTACION DI BUKI’** ☞ Un of mas mucha ta presenta na e klas un buki cu nan a lesa. Nan ta mostra e buki y ta conta algo di dje.

**‘EXPOSICION DI BUKI’** ☞ Un exposicion di diferente buki pa un publico grandi (henter e scol) of pa un publico chikito (e klas).



## Promocion di lesamento y medio di comunicacion

Ora di promociona lesamento cu uzo di medio di comunicacion ta bon pa:

- ☞ Guia e muchanan ora nan ta haci uzo di internet:
  - No tur texto ta adecua!
  - Hopi biaha e textonan ta mucho dificil!

- ☞ Scoge buki cu nan a traha pelicula di dje y compara nan:
  - Kico den e buki ta otro/diferente cu den e pelicula?
  - Kico ta mas leuk of miho?
- ☞ Laga e muchanan lesa e buki prome!

Pa trece variacion den les tin hopi site cu tin video cortico of tour virtual:

Lopen door de oude stad Pompeii (Cana den ciudad bieu di Pompeii)

<http://www.history.com/topics/ancient-history/pompeii>

Het achterhuis van Anne Frank (E cas patras di Anne Frank)

<http://www.annefrank.org/nl/Subsites/Home/>

Tambe tin buki cu app pa animacion-3D interactivo, manera esun di Guinness World Records.



## 'Taakverdelend lezen'

'Taakverdelend lezen' ta un forma di traha hopi placentero. Por aplic'e na diferente manera y cu tur sorto di texto. Aki, henter e klas ta lesa e texto, cu no ta mucho largo. Despues, den grupo, nan traha riba e tarea tocante e texto. E texto por ta un storia cortico, pero tambe un pida texto uza den un materia (vak) manera: historia, geografia of naturalesa. Corda si cu ora di busca un texto, e texto mester por cumpli pa e alumnonan ehecuta tur tarea, sino mester adapta e tarea.

*Manera di traha:*

- ❖ Parti un pida texto (of storia cortico) den klas: percura pa suficiente ehemplar pa e cantidad di mucha. Lesa e texto pa e muchanan, laga e muchanan lesa e texto pa nan mes, trata e texto. Ora di trata e texto, ta importante pa e muchanan compronde e texto, pero no mester trata y splica tur cos; laga espacio pa clarifica y splica cierto cos durante presentacion.

- ❖ Parti e klas den grupo di 4 pa 5 mucha, cada grupo ta haya un tarea di:

- ☛ Drama
- ☛ Obra di man
- ☛ Mini-spreekbeurt of un mini poster (A4 of A3)
- ☛ Pintamento
- ☛ Skirbimento
- ☛ Poema/musica



- ❖ Pone tur cos cla, prome cu cuminsa cu e les.

- ❖ E tareanan, bon cla skirbi y atractivo pa e muchanan, ta riba papel. Cada grupo ta haya un tarea. Por laga un grupo traha algo pa un otro grupo, por ehempel: e grupo di obra di man por traha un mascarada pa e grupo di drama.
- ❖ Si no tin suficiente tempo, por uza un les pa e preparacionnan y un siguiente les pa e presentacionnan di 'taakverdelend lezen'.
- ❖ Pa duna tur mucha un chens pa haci e diferente tareanan, ta miho pa ripiti 'taakverdelend lezen' algun biaha pa aña pa e gruponan por tuma turno.
- ❖ Por ehecuta e tareanan cu henter e klas tambe, durante e materianan di Idioma, Obra di man, Pintamento, Musica etc.
- ❖ Tur grupo lo mester di medio/recurso pa por ehecuta e tareanan, por ehempel: paña di disfraz, kleurpotlood, papel, artefactonan, etc.
- ❖ Di adelanta pensa bon kico e gruponan mester.
  - ☛ E muchanan of maestro por trece algo?
  - ☛ Kico e muchanan por traha?



## Con pa motiva mucha homber pa lesa


*Me Read? No, Way!* ta un guia practico pa mehora e habilidadnan literario cerca mucha homber. E ta provee strategianan practico y efectivo uza den klas cu e maestronan mes a compila cu resultadonan tanto den termino cortico como largo.

Por download e reader interesante aki por nada:

[http://www.edu.gov.mb.ca/k12/docs/support/me\\_read/index.html](http://www.edu.gov.mb.ca/k12/docs/support/me_read/index.html)

Pa conclui, tene cuenta cu e puntonan aki ora di motiva un mucha homber pa lesa:

- ❖ Manda cas un lista di buki faborito y recomendacion
- ❖ Lesa duro (maestro, estudiante y lesado invita)
- ❖ Intercambia texto di diferente genero
- ❖ Haci di lesamento un momento util, dushi y pret
- ❖ Cuminsa un caminda, unda cu ta
- ❖ Corda cu casi tur cos ta bon
- ❖ Papia hunto tocante e buki
- ❖ Sea sabi den bo acercamento
- ❖ Inventarisa su interes
- ❖ Percura pa bo mes ta un lesado
- ❖ Duna e bon ehempel
- ❖ Duna opcion
- ❖ **No perde animo!**



## Encurasha pa Skirbimento **CREATIVO**

Pa yuda libera e imaginacion, lag'e los riba papel y descubri e placer cu ta bini for di skirbimento. Mehora e capacidad pa skirbi y lesa, encurasha pensamiento creativo y fortalece autoestima.

- ❖ **Encurasha alumno pa explora skirbimento creativo.**  
Kico ta bo obra creativo faborito?
- ❖ **Desaroya un bos personal, inspira completamente por medio di e curason y imaginacion di cada alumno.**  
Ken mi ta? Kico mi ta haci aki? Kico mi ta desea di haci/logra?
- ❖ **Explora e imaginacion.**  
Kico ta locual mi ta gusta? Kico ta e cos di mas imposibel cu mi lo desea?  
Con mi por skirbi e?
- ❖ **Experimenta cu diferente forma di skirbimento.**

buki	poesia	radio	pelicula	website/blog
revista	musica	corant	pintura	social media (fb, twitter)
dagboek	teatro	television	ilustracion	carta (skirbi na man, e-mail)
- ❖ **Descubri e posibilidadnan infinito di skirbimento.**  
Ban crea un mundo nobo riba papel. Ban uza nos imaginacion!
- ❖ **Explora! Bishita! Conoce!**

Nos naturalesa	Nos biblioteca nacional
Un compania di imprenta	Un cas editorial
Un corant of revista	E Festival di buki pa mucha
Nos escritor-, ilustrado-, musico- y artistanan	



## Skirbimento creativo


Stimula fantasia pa skirbi cu e ingredientenan corecto!

- ✎ Un cuminsamento pret: "Si ami tabata biba aki..."
- ✎ Plachinan pret di cosnan inespera.
- ✎ Traha un 'stripverhaal' cu ayudo di un blachi di tarea.
- ✎ Traha un couplet nobo pa un cantica cu ta existi caba.



E ingredientenan basico di un storia:

- ✎ Un bon storia mester di por lo menos un personahe: KEN?
- ✎ E mester di accion, algo cu ta sosode: KICO?
- ✎ E mester di un luga, na unda tur cos ta tuma luga: UNDA?
- ✎ Por ultimo, e storia mester di un conflicto tambe: EXTRA?



→ Wak pa e storia tin suficiente drama, reto y aventura!

**Ehempel di ingrediente basico, cu por 'mix and match':**

### KEN

*un ladron cu mal memoria  
un prinses sordo  
un padushi hopi fuerte*

### KICO

*ta traha un mashin di tempo  
ta perde riba un isla  
ta kibra un pia*

### UNDA

*den un palacio gigante  
den un hospital cu hopi ambiente  
den New York City*

### EXTRA

*un pushi preto  
un renchi cu diamanta  
un secreto*



Por ofrece e ingredientenan aki na diferente manera pa stimula e fantasia di e muchanan. Por ehempel: riba carchi, riba palo di palofriu, riba dou, riba blachi di tarea, etc.



Gooi een verhaal!			
soortpersoon	plek	staple	
•	van prinses	in het bos	vart faast.
••	van dorp	in de zee	zingt een liedje.
•••	van hond	in een kasteel	steekt in de lucht.
••••	van priest	in het park	daet een dansje.
•••••	van dier	in een speelfilm	rijdt in het water.
••••••	van boot	op een schip	in de weg loopt.

